

ЛЕНИН ТУЫ

ҚКП СОЛТУСТІК ҚАЗАҚСТАН ОБЛЫСТЫҚ КОМИТЕТІНІҢ, ЕҢБЕКШІ ЛЕР ДЕПУТАТТАРЫНЫҢ ОБЛЫСТЫҚ СОВЕТІНІҢ ЖӘНЕ ҚКП ПЕТРОПАВЛ ҚАЛАЛЫҚ КОМИТЕТІНІҢ ГАЗЕТИ

№ 81 (9143) | 1953 жылғы 21 апрель Сейсенбі | Шығуына 34 жыл жеке саны 20 тынын.

Облыс егіншілері! Көктемгі егісті агротехникалық қолайлы және қысқа мерзімде, жоғары сапалы етіп өткізейік. Сөйтіп, әрбір колхоз бен совхозда мол өнім алудың берік негізін қалайық!

Көктемгі егісті тез және сапалы өткізейік

Партияның XIX съезінің жаңа бесінші бесжылдық жоспар жөніндегі директиваларында әрбір колхоз бен совхозда барлық ауылшаруашылық дақылдарының әрбір гектарынан мол және тұрақты өнім алуды қамтамасыз ету міндеті ерекше атап көрсетілген. Бұл міндетті қалтқысыз орындау жолында колхоздар, МТС-тер мен совхоздар күнбе-күн нақтылы күрес жүргізуге тиіс. Сонымен қатар, әсіресе, көктемгі егісті агротехникалық ең қолайлы мерзімде және сапалы өткізу ауыл шаруашылығында жаңа табыстарға жету күресіндегі аса маңызды шарттардың бірі болып табылады.

Облысымыздың колхоздары, МТС-тері мен совхоздары соңғы күндердің ішінде көктемгі егіс жұмыстарына жаздай кірісіп отыр. Бірқатар жерлерде кәзірдің өзінде алғашқы дала жұмыстары ойдағыдай жүргізіліп жатыр. Егіншілер мен механизаторлар көктемгі егіс жұмыстарын агротехникалық қолайлы мерзімде өткізу және ылғалды толық сақтау жөнінде алған міндеттемелерін аброймен орындау жолында қажырлылықпен еңбек етуде. Бұған бірқатар колхоздар мен совхоздардың мыңдаған гектар жерді тырмалап, дөңді дақылдар егісін себуге кіріскендігі толық дәлел бола алады.

Петропавл ауданының Буденный атындағы, Преснов ауданының «Сталин жолы» және «Новый путь», Совет ауданындағы Шағлы совхозының егіншілері дайын жерді тырмалау және оларды үстеп қоректендіру жұмыстарын ойдағыдай атқарып, кәзір тағайындалған график бойынша тұқым себуге кірісті.

Жалғыз бұғар емес, басқа да озат колхоздар көктемгі аса қымбатты уақытты тиімді пайдалану және кәзіргі ауа райының өте қолайлылығына байланысты егіс жұмыстарының қарқынын күшейте түсуде.

Сөлай бола тұрса да, облысымыздың бірсыпыра колхоздары мен МТС-терінің, совхоздарының басшылары әлі күнге дейін уақыт жеткілікті, жер құрғап болған

лардың қуатын мейлінше толық пайдалану керек. Ол үшін жоғарыда айтылғандай, енаалымен тракторлар сапалы жөндеуден өткізілуіне тиіс болса, екіншіден, механизаторлар кадрлары жеткілікті болуы керек. Бірақ, бұл жөнінде де облыстың көптеген МТС-терінде үлкен кемшіліктерге жол беріліп келеді. Бірқатар МТС-тер маман механизатор кадрларымен толықтырылмаған. Мәселен, Петропавл МТС-нің өзінде 23 тракторшы жетпейді. Мұның өзі трактор бригадаларының жұмысын екі сменамен жүргізуге үлкен нұқсан келтіретіні мәлім.

Барлық егіс көлемінен мол және тұрақты өнім алынуы егіс жұмыстарының агротехникалық қолайлы мерзімде және сапалы өткізілуіне, тұқым қорларының жеткілікті және сапалы болуына байланысты дедік. Тұқымды ауа-күн жылуымен қыздыру және дөңді дақылдарды тарқатарлы, тоғыснаны әдістермен себу, күздік дақылдарды ерте көктемде қоректендіру сыяқты тәжірибеде жақсы нәтиже беріп жүрген әдістерді колхоз, совхоз өндірісіне батыл енгізу негізгі міндеттердің бірі болып табылады. Сонымен қатар, бұл жұмыстардың мейлінше сапалы атқарылуына жете көңіл бөлу керек.

Быйылғы көктемде облыстың колхоздары мен совхоздарында жыртылатын жердің көлемі өткен жылдардағыдан едәуір көп екендігін ескере отырып, егіске байланысты барлық жұмыстардың бір мезгілде, тығыз ұштастырыла жүргізілуін қамтамасыз ету қажет. Сонымен қатар, егін шаруашылығында негізгі тұлға болып табылатын—агрономдар жердің агротехникалық талаптарға сай жыртылып, жұмыстауына тиісті бақылау жасауға міндетті.

Көктемгі егістің бүгін таңдағы талаптарға сай ойдағыдай өткізілуі егіншілер арасында социалистік жарыстың мейлінше өрістетілуіне және еңбек ұйымдастыру ісін жолға қоюға байланысты екенін ешқашан ұмытпау керек. Өткен жылдарда егіншілердің алған міндеттемелерін орындауына нақтылы бақылау жасамау, социалистік жарысты ұйымдастыруда формальділікке

Егіс жұмыстарының қарқынын күшейтілсін Қарқын үдей түсуде

Партияның XIX съезінің дөңді дақылдардың шығымдылығын арттыру жөніндегі қарарларын мінсіз орындау жолында күресті күшейте отырып, Преснов МТС-нің № 1 трактор бригадасы дала жұмыстарына ұйымшылдықпен кірісті. Механизаторлар бірінші сағаттардан бастап сменалық тапсырманы толық орындауға жетісуде. Бұл жер тырмалау, оған ылғал жыйнау сыяқты алғашқы дала жұмыстарын тез және сапалы жүргізуге мүмкіндік туғызып келеді.

Тракторшылар жұмысты екі сменада ұйымдастырған. Осыған байланысты әрбір трактор электр жарығымен, тіркеушілермен, су және жанар, жағар майын тасушылармен жеткілікті қамтамасыз етілген.

Тракторшы Шульга жолдас үздік табыстарға жетіп жүр. Ол алғашқы сменаның өзінде-ақ 40 гектар пар мен зяб тырмалады. Кәзір сменалық тапсырманы ол ұдайы 125 проценттен кем орындамайды. Мұндай сменалық норманы артығымен орындайтын тракторшылардың қатары барған сайын өсе түсіп отыр. Тракторшы Шлеповец жолдас та егіске шыққалы сменалық тапсырманы үнемі артығымен орындап жүргендердің бірі.

Аталған бригада өткен жылы ауылшаруашылық жұмыстарын мерзімінде және сапалы жүргізіп, МТС-те бірінші орын алған болатын. Партияның XIX съезінің қарарларымен жігерленген бригада мүшелері быйыл да дала жұмыстарын орындауда жаңа зор табыстарға жетуді ұйғарып отыр. Олар көктемгі егісті әрі кеткенде 20 жұмыс күні ішінде аяқтауға міндеттеме алды. Әрбір дақылды жоғары агротехникалық дәрежеде сеуіп, оның шығымдылығын еселеп арттырмақ. Үстіміздегі жылы бригада жұмыстаған дөңді дақылдар егілген

алаңның әрбір гектарынан 15—16 центнерден өнім жыйнамақ. Міне, бригада бұл күндерде осы міндеттемесін аброймен жүзеге асыруға күш жұмсауда. Алғашқы үш күн ішінде ол 350 гектар жер тырмалап, оған ылғал жыйнады.

Бригада дала жұмыстарын бір-бірімен тығыз ұштастыра жүргізуде. Ол күздік дақылдарды үстеп қоректендіру ісін де қызу қолға алды. Кәзірдің өзінде мұнда 75 гектар жерге үстеме қорек берілді.

Бригада бүкіл егіс бойына жұмысты сағаттық график бойынша істемек. Механизаторлар осы күннен жұмыс уақытын тиімді пайдаланып, тракторлардың толық қуатымен іске қосылуына жетісіп жүр. Олар тракторға техникалық күтім жасауды жолға қойған. Бұл тракторлардың тоқтаусыз жұмыс істеуіне зор мүмкіншіліктер туғызуда.

Осы сыяқты, дала жұмыстарына МТС-тің № 2 бригадасы да ұйымшылдықпен кірісті. Жер тырмалауда тракторшылар Тамзин, Батырев жолдастар сменалық тапсырманы 110 проценттен орындап жүр.

«Сталин жолы» колхозында жұмыс істейтін № 3 трактор бригадасының механизаторлары да еңбек үлгісін көрсетуде. Тракторшылар Мусин және Сагитов жолдастар пар мен зябті тырмалау, күздік егіске үстеме қорек беру жұмыстарында сменалық тапсырманы ұдайы артығымен орындауға жетісіп келеді.

Бригада механизаторлары тракторлардың қуатын толық пайдаланып, көктемгі егісті агротехникалық қолайлы мерзімде өткізбек.

В. СКИБСКИЙ,

Преснов МТС директорының саяси жұмыс жөніндегі орынбасары.

Жаңа бесжылдықтың стахановшысы

Уақыттан озған маман



Соколов МТС-індегілер асығар емес

